

THESES  
THEOLOGICÆ  
ADVERSUS  
ANTI-THESES  
OPPOSITAS

Nuperis Thesis nostris Theologicis,

ID EST,

ARTICULIS THEOLOGORUM LOVANIENSIIUM

Exhibitis Illustrissimo ac Reverendissimo Domino  
Archiepiscopo Mechliniensi.

QUAS

P R Æ S I D E

EXIMIO VIRO DOMINO AC MAGISTRO NOSTRO

GUMMARO HUYGENS LYRANO,

D E F E N D E T

FRANCISCUS JACOBUS VIVIEN Bruxellensis.

In Collegio ADRIANI VI. Pontificis die 20. Augusti 1685.



L O V A N I I,

Typis GUILLIELMI STRYCKWANT sub aurea Lampade.

## THEOLOGICAL

## A NEW

2. *Supra* Thomas Boston's *Supra*

ARTICLE THEOLOGICAL

1. *Supra* Thomas Boston's *Supra*

1. *Supra* Thomas Boston's *Supra*

1. *Supra* Thomas Boston's *Supra*

1. *Supra* Thomas Boston's *Supra*

1. *Supra* Thomas Boston's *Supra*

1. *Supra* Thomas Boston's *Supra*

1. *Supra* Thomas Boston's *Supra*

1. *Supra* Thomas Boston's *Supra*

1. *Supra* Thomas Boston's *Supra*

# P R Æ F A T I O

## A D

# L E C T O R E M.

**S**uperiori mense exhibuimus *Theses Theologicas*, quarum hic est titulus: *Theses Theologicæ*, id est, *Articuli Theologorum Lovanienſium exhibiti Illuſtriſſimo ac Reverendiſſimo Domino Archiepiſcopo Mechlinienſi cauſâ Concordiæ ineundæ cum RR. PP. Societatis JEſu & aliis.*

*Continent illa Præſationem ad Lectorem, in qua enarratur, quâ occaſione, quo ſine, quâ formâ, quo demum ſucceſſu coram Illuſtriſſimo Domino Archiepiſcopo noſtro Mechlinienſi inter PP. Societatis, & Theologos Lovaniënſes illic nominatos, inſitus ſit contraciſ collationis habenda ſuper dogmatibus, tum iſtorum Patrum, tum Lovaniënſium; illis puta dogmatibus, quæ a parte alterâ præ cateris impugnantur.*

*In nuperis Theſibus expreſſimus magno candore iſtos noſtra doctrina Articulos, quos Patribus Societatis, ac aliis quibuſdam magis diſplicere exiſtimavimus.*

*Adverſus iſtas Theſes noſtras, paulo poſt à PP. Societatis edita ſunt Anti-theſes ad Theſes Theologicas ſeu Articulos exhibitos Illuſtriſſimo, ac Reverendiſſimo D. Archiepiſcopo Mechlinienſi cauſâ prætenſæ Concordiæ, ineundæ cum PP. Societatis JEſu & aliis.*

*Porro in hiſce Anti-theſibus R. P. LIBERTUS DE PAPE Rector Collegii Societatis JEſu Bruxellis, qui cum Doctore HUYGENI contraciſum collationis habenda iniverat, teſtatur hiſ verbis: Aſſenſi in illum Conferentiæ modum quem Præſatio dicta memorat ( intelligit Præſationem Theſibus noſtris ſuperiori mense deſenſis præfixam ) & addit niſi quod à veritate alienum eſt, quod illic adſtruitur, de Conditionibus Conferentiæ nihil iſtic tactum fuiſſe.*

*Contractus, cujus in dicta noſtra Præſatione & hic iterum ſit mentio, ita ſonat: Pars utraque ſcripto tradet Illuſtriſſimo Domino Archiepiſcopo illas ſuas ſententias, quas à parte altera novit impugnari: quæ deinde per Illuſtriſſimum Dominum alteri parti communicabuntur, eo ſine ut hæc contra replicet: poſtmodum pars utraque in deſenſionem ſuarum ſententiarum duplicet; & poſtea, ſi opus, procedatur ad Quadruplicam, & denique ad Collationem verbalem. Quibus omnibus peractis, ſi ad Concordiam nondum fuerit ventum, miſſis actis ad S. Sedem ultima illinc deciſio expectanda erit. Additum fuit, utrique parti licitum fore interrogare alteram de Articulis non expreſſis, num eos teneat: ſiquæ pars interrogata Articulos petitos à ſe teneri reſponderit, ei incumbet eodem cum aliis ſcripto traditis ſuſtinere ac defendere.*

gere. Si vero reipserint, mos a se non teneant, una et super his articulis moveri poterit quæstio aut molestia,

Admittit ergo R. P. DE PAPER, quod contractus ista forma fuerit coram Illustrissimo revera initus : quare super hac re nulla manet contendendi causa : secus de conditionibus, de quibus se locutum asserit his verbis : Conditiones quædam postulari possent à partibus.

Istam igitur dicti Patris assertionem primâ harum Thesium Conclusionum duos per paragraphos evertemus.

In secundâ Conclusionem inferemus ex primâ quadam corollaria.

Tertiâ ostendemus, quod Anti-thesium Author nullo jure indicet Illustrissimum Dominum Archiepiscopum voluisse in sapius dicta collatione agere judicem ; quodq, nullo jure, præteritis Articulis nostris Illustrissimo exhibitis, & per nos signatis, novos neque exhibitos neque signatos, veluti à Doctoribus HUYGENS & VAN VIANE traditos, producat, ut eos oppugnet.

Ex quartâ Conclusionem patebit, quantâ aequitate nitatur contractus hic iterum expressus ; modo tamen absit omnis conditio, per quam ejus executio foret impedienda.

Per quintam Conclusionem invitantur RR. PP. & alii à nobis dissidentes, ut contractum illum, prout jacet, adimpleant ; cum ille sit talis, ut etiamsi initus non fuisset, iniri equidem, ut putamus, deberet à quibusvis Theologis concordiam & pacem sincerè amantibus.

Sextâ denique Conclusionem ostendetur, quod dicti PP. non possint se excusare, quominus toti Theologorum orbi notas faciant suas sententias ( si contra conventionem detractent exhibere Archiepiscopo ) sicut Loyanienses non fuerunt veriti publicare suas.



Evértitur assertio R. P. DE P A P E de conditionibus adjiciendis modo conferentis sive contractui de conferentia habenda inter PP. & Theologos Lovanienfes.

§. 1.

Ex dictis Illustrissimi Domini Archiepiscopi & actis in secunda Collatione convincitur, quod assertio R. Patris DE P A P E non subsistat.



Contractus, quem in harum Thesium præfatione ad verbum (sicut in præfatione Thesium anteriorum) exprimus iterum, juxta adhortationem Illustrissimi D. Archiepiscopi Mechliniensis initus fuit die 27. Feb. hujus anni inter R. Patrem DE P A P E Collegii Bruxellensis Rectorem & Doctorem HUYGENS solo Illustrissimo D. Archiepiscopo nostro præfente: idque, ut affirmat Doctor HUYGENS, *absolutè & sine ulla conditionibus*, vi quarum liceret Patribus ante traditionem suorum Articulorum exigere aliqua veluti præliminaria: negat R. P. DE P A P E, prætendens, uti credo, me errore aliquo facti prolapsam esse: ego ex adverso non me, sed ipsum errasse dico.

Quare constanter nego, quod, ut prætendit R. P. DE P A P E, post contractum initum fuerint sive ab Illustrissimo Domino Archiepiscopo, sive à me admittæ tales conditiones; clare istud, ni fallor, patebit ex subsequenti Historia.

Præter collationem, de qua superius locuti sumus, habita est alia 16. Aprilis hujus anni inter RR. PP. DE P A P E & LE DENT ex una, & Doctores HUYGENS & PASMANS ex altera parte, rursus coram Illustrissimo Domino Archiepiscopo, qui Patribus istis volentibus ante traditionem suorum Articulorum scripto responderi ad quædam præliminaria, in hac secunda collatione dixit ac sæpius repetiit: *sine conditione, simpliciter, & non verbo quidem facto de præliminaribus* initum esse contractum, vi cujus deberet pars utraque tradere alteri Articulos sue doctrinæ: ad quæ subinde responsum à Patribus: *ita quidem, sed pro meliori & certiori successu judicavimus consilium ut præliminaria præmitterentur*: Subinde R. P. LE DENT negabat contractum fuisse initum addens: *Pater Rector non potuit contrahere sine commissione*. Doctor HUYGENS similiter urgebat, quod fuisset pactum, *data fides, &c. sine ulla conditione*: Patres econtrâ quærebant varia effugia, nihil hætenus loquentes de conditionibus, ut jam prætenditur, admittis; etsi Illustrissimus Archiepiscopus, & Doctor HUYGENS triet Patribus objecerint, quod contractus sit initus *absolutè, simpliciter, sine ulla conditione*.

Post hæc Doctores Lovanienfes ad singula præliminaria responderunt viva voce: quibus omnibus peractis, delapsus iterum est sermo ad pactum initum *sine conditione ulla*. Et tandem post hæc omnia objecit P. DE P A P E quod D. HUYGENS probe nosset, aliquas admittas esse conditiones. Respondit Doctor HUYGENS: hæc scilicet, nec alias esse à se admittas. Primum quod ubi partes mutuo tradidissent suas doctrinas, possis utraque contra alterius doctrinam replicare, duplicare, usque ad Quadruplicam. Secundo, si pars altera pueret à parte adversâ quidpiam doceri, quod in scripto non comprehenderetur, & tamen parti comprehendendum judicaret, posset pari à parte petere, num id teneret, quodque semel admisset, tamquam suum haberet, & utrimque id candidè exprimeretur; & denique tertio, si pari pari non satisfecisset omnia ad Verbum mitterantur.

Hæc ex Adversariis nostris descripsimus, quæ ne memoria falleret, Doctores HUYGENS

scriperunt, & non multo post tempore, eam Illustrissimo Domino Archiepiscopo re-  
lecta sunt priusquam Anti-theſis eſſent edita. Hinc videtur licet ſequitur.

Primò, quòd Illuſtriſſimus Dominus Archiepiscopus non ſemel, ſed ſæpius aſſeruerit,  
contractum coram ſe eſſe initum *abſolutè, ſine quſvis conditione.*

Secundò, quòd idem affirmaverit Doctor HUYGENS.

Tertiò, quòd Patres primò quaſiverint varia effugia, ut Illuſtriſſimo Domino, & Do-  
ctori H. U. Y. G. E. N. S. iſta conſtanter affirmantibus, aliquo ſaltem colore reſponderent,  
non faciendo hactenus mentionem *conditionum.*

Quartò quod R. P. D. E. P. A. P. E. tunc demum fecerit mentionem *conditionum*, quando  
anteriora ſua effugia vidit eſſe irrita; debuisset autem mox in initio hujus ſecundæ colla-  
tionis de *conditionibus* iſtis loqui, ſi quales vult, fuiſſent admiſſe.

Quintò, quòd ſermo de *conditionibus* iſtis valde obiter ſit injectus, & per reſponſa mea  
mox ſuffocatus, ita ut crederem ipſummet P. D. E. P. A. P. E. admittere, quòd de *conditionibus*  
vel non fuerit facta mentio, vel fuerint intellectæ *conditiones*, quales ipſi expreſſi.

## §. 2.

Ex ipſo collationis contractu ( *conferentia modum vocat P. D. E. P. A. P. E.* ) convincitur  
quòd initus non ſit, eà conditione, quam dictus Pater intelligit.

Collationis contractum, quem P. D. E. P. A. P. E. conferentia modum vocat, in antero-  
rum Theſium Præfatione, & iterum in Præfatione harum expreſſimus his verbis:  
*Pars utraque Illuſtriſſimo Domino &c.*

In illum, conferentia modum ſe conſenſiſſe fatetur P. D. E. P. A. P. E. jam verò non  
unam contradictionem implicat, quòd ſubſiſtat ejuſmodi contractus, quem nobiſcum iſte  
Pater admittit, ſi reverà detur libertas ad conditiones præliminares, qualem ſolos ille Pater  
contra aſſertionem Illuſt. D. Archiepiscopi toties repetitam & meam, dicit fuiſſe admiſſam.

Prima contradic-tio in hoc conſiſtit, quòd juxta contractum initum, oportuerit collatio-  
nem incipere à traditione, qua pars utraque Illuſtriſſimo Domino Archiepiscopo traderet ſuas  
ſententias. Negare hoc non poſſet R. P. D. E. P. A. P. E. tum quòd omnes circumſtantie,  
ipſi notiſſimæ in iſtam veritatem conſpiraverint, tum quòd conferentia modus in ante-  
riorum Theſium Præfatione expreſſus, in quem ſe conſenſiſſe fatetur, hoc maniſeſtè  
ſignificet. Primò namque loco contrahentes ſe obligant, ut pars utraque ſcripto tradat Illu-  
ſtriſſimo Domino illas ſuas ſententias &c. Cui veluti fundamenta reliqua, quæ in collatione  
agenda ſorent, ſuperſtruerentur: Nemo, ſi attentè conſideraverit contractum, hæc ne-  
gare poſſet: minus poſſet R. P. D. E. P. A. P. E., qui in ſuo teſtimonio *Anti-theſibus* inſerto  
palam, fatetur ſe aſſenſiſſe in illum conferentia modum, quem præfatio noſtra memorat:  
hæc vtrò non ſolum ipſa contractus expreſſione, ſed etiam verbis clariſſimis dicit eoram  
Illuſtriſſimo Domino Archiepiscopo compromiſſum eſſe, ut ante omnia pars utraque exhi-  
beret ſuas ſententias. Porro ſi incipiendum fuerit à traditione, quæ pars utraque exhibe-  
ret ſuas ſententias, maniſeſtum eſt implicare contradictionem, quòd data fuerit po-  
teſtas, ut poſtquam pars una tradidiſſet ſuas ſententias, altera non traderet ſuas, ſed loco  
earum quaſtiones quaſdam præliminares obtuderet.

Secunda contradic-tio hæc eſt: initus eſt ſupradictus collationis incundæ contractus;  
vi cuius, quòd cuilibet legenti patet, pars utraque alteri ſe obligat, ut ſuas ſententias  
ſcripto tradat Illuſt. Domino Archiepiscopo: jam verò impoſſibile eſt, ut illam obligatio-  
nem contraxerint PP. Jeſuitæ, ſi poſt contractum manſerit ipſis libertas ponendi condi-  
tiones pro libitu; adeoque etiam tales vi quarum numquam eo veniretur, ut reipſa trade-  
rent ſuas ſententias.

Tertium

pax & unitas; supponas quod Rector Collegii Bruxellensis, & HUYGENS Theologiae Doctor, à suis respectivè ad hæc Deputati, coram suo Archiepiscopo Belgii Primæ, non inierint conventionem aliquam puerilem, ridiculam, & explosione dignam (neque enim talem admisisset saltem Illustrissimus Dominus; nam contradictionem implicat, conventionem illam esse aliam quam puerilem, ridiculam, & explosione dignam, si verum sit PP. Societatis relictam esse potestatem quando, quomodo & quales volunt condiciones apponendi, adeoque omnia evertendi. 25

Hinc factum credimus, ut contractus nusquam in Antichrisibus totus sit expressus: fuisse enim vel sola contractus expressio, ut quilibet, etiam pater illi additissimus facillè fuisset suspicatus, quod cum tali contractu componi non poterit potestas ad condiciones totius contractus eversivas.

§. 3.

*Vnde fieri poterit, ut R. P. DE PAPA hac in re erraverit.*

Istud quod R. P. DE PAPA de conditionibus dixit, à veritate alienum esse, nullus dubito; nec video quomodo dubitare possit, qui dicta anteriorum §§. rite expendit: sed non perinde certum est, quænam Patri DE PAPA fuerit erroris causa: si tamen conjecturis locum demus, hæc fuisse videtur. Die 27. Februarii, quæ fuit primæ collationis, conveni Illustrissimum Dominum Archiepiscopum, præsentem tunc R. Patre DE PAPA, qui me prævenerat, eumque post Illustrissimum salutavi: deinde post mutua benevolentia signa, injecta est mentio *conditionum*, sub quibus desiderata collatio institueretur. Suggerebat dictus Pater, ut ego illorum sententias scripto traderem; ipse verò exprimeret nostras; ad hæc ego: rem illam cavillationibus fore obnoxiam, dum pars utraque causari posset suas sententias non esse rite expressas, aut quid simile; & ideo mihi videri opportunius, ut pars utraque suas ipsa sententias exprimeret, traderetque: assensit mihi Illustrissimus Dominus Archiepiscopus; mox etiam R. Pater, sive rei æquitate, sive suffragiorum pluralitate victus; atque ita stabilitum fuit primum collationis habendæ fundamentum, à quo antè omnia incipiendum foret.

Demus quod post hæc, adhuc facta fuerit mentio *conditionum*, priusquam similitudinè perveniretur ad alia quæ in contractu exprimuntur, constanter assero, ne in mentem quidem venisse de aliis conditionibus, quam de hisce: primò quod ubi partes mutuo tradidissent suas doctrinas, posset utraque contra alterius doctrinam replicare &c. prout in ipso contractu expressæ sunt; alias esse admissas, prorsus nego.

Potuit itaque error R. Patris fuisse situs in eo, quod ea quæ de *conditionibus* ante contractus initium diximus, putaverit esse dicta post contractum; vel illa quæ ita post initium contractus diximus, ut tamen ante reliqua quæ in contractu sequuntur, fortassis sibi persuaserit esse dicta post contractum totaliter completum, quod nullatenus subsistere per duos §§. anteriores possumus.

Nec refert quod R. Pater dicat in Adversariis suis haberi, potestatem condiciones postulandi esse admissam post contractum, hoc enim in collatione secunda negavi ego: negationem eandem continent dicta & toties repetita Illustrissimi Domini Archiepiscopi §. 1. hujus Conclusionis citata: negat in effectu, ut aiunt, prima pars contractus: negat contractus essentia: negant denique ipsius contractus circumstantiæ.

Quod attinet ad Adversaria dicti Patris, errant illa, etiam in aliis: quandoquidem, ut de conditionibus amplius non loquar, in iis referatur responsum dicti Patris datum, ut vult, Doctoribus HUYGENS & HENNEBEL, dum hi nuntiaverunt se Illustrissimo



nihil omnino tunc illis Doëtoribus respondit; ita ut summè mirarentur, quod prior pro conferentia ardor subito mutatus jam esset in tantum frigus; ut ne unum quidem verbum, quod rem illam spectaret, responderit: nos nuntiabamus quod sententias nostras tradidissimus Archiepiscopus; ipse illico petiit, num Bibliothecam Collegii nostri umquam vidistis? Ubi respondimus, nos eam numquam vidisse, mox itur ad Bibliothecam; multa nobis summà humanitate interea narrabat R. Pater; cum altissimo tamen silentio circa ea omnia, quæ collationis negotium, ob quod solum illuc veneramus, concernebat: denique, qua nos exceperat comitate, tandem dimisit, ne tunc quidem vel verbo respondendo ad ea quæ in accessu de collatione nostra relatum veneramus.

Sanè cum in re tam manifesta certò fallant Adversaria R. Patris, quid mirum, si etiam in illis, quæ de conditionibus illic scripta dicuntur, erraverint.

## CONCLUSIO SECUNDA.

Ex anteriori Conclusionè inferuntur quædam Corollaria.

### I.

Inferitur, quod primæ parti contractus, à qua collatio incipienda erat, abundè satisfecerint Lovanienses; siquidem doctrinæ suæ Articulos, quos præ cæteris à parte alterâ impugnari noverant, exhibuerunt, non tantum Illustrissimo Domino Archiepiscopo; verum etiam suæ Excellentie MARCHIONI DE GRANA pæ memorie, deinde etiam Illustrissimo D. PRONUNTIO APOSTOLICO, & deinum toti Theologorum orbi.

### II.

Eisdem priori scilicet contractus parti ac obligationi inde sibi injectæ, non satisfecerunt PP. Societatis, nec satisfaciunt deinceps, quamdiu detrectabunt suas vicissim sententias Illustrissimo Domino Archiepiscopo tradere.

### III.

Dicti Patres obligationem porrigendi suas sententias nullatenus adimplent, vel deinceps adimplebunt exhibendo quascumque quæstiones præliminares; cum utrimque conventum sit, non de quæstionibus præliminariis; sed de sententiis suis exhibendis.

### IV.

Quamdiu Patres Societatis non adimplent primam illam partem contractus, de tradendis scilicet suis respectivè sententiis; nullo jure oppugnabunt sententias per nos Illustrissimo Domino Archiepiscopo exhibitas; nam ex contractu, deberent prius vicissim tradere sententias suas, & postea tantum replicare adversus nostras.

### V.

Minori jure Patres, quamdiu priori contractus parti non satisfecerint, postulabunt responderi quibuscumque suis objectionibus adversus quascumque nostras sententias à nobis nec exhibitas Illustrissimo, nec signatas: nimis verò omnium ad interrogationes circa alia quæ non docemus.

### VI.

Quamdiu Patres detrectant exhibere suas sententias, prout ante omnia obligantur per primam partem contractus, nos cum universis Theologis jure videmur eis posse objicere, quod per ipsos stet, quo minus importunæ concertationes circa dogmata Theologica amicè componantur.

### VII.

Ex illorum Patrum tergiversatione detrectantium contra primam & fundamentalem totius conventionis partem, tradere suas sententias, nonne sequitur quod ipsi doctrinam suam vel erubescant vel certe aliis invidcant?

VIII. Cum



Cum Lovaniensibus suis sententias scripto expresserint, easque Archiepiscopo primitim, deinde Suae Excellentiae, postea Illustrissimo Domino Pronuntio Apostolico, & denique palam Theologis omnibus exhibuerint: cumque ex adverso pars altera nihil illorum hactenus praeter, an temere iudicabit, etiam Theologiae Imperitus, quod Lovaniensium sententiae, potius quam partis alterius, sint conformes Evangelio, quod erubescere non licet?

## CONCLUSIO TERTIA.

Perperam Anti-thesium Author innuit quod Illustrissimus Dominus Archiepiscopus voluerit se in Collatione habenda, constituere iudicem super sententiis controversis. Perperam quoque idem ille, praeteritis sententiis à nobis exhibitis oppugnat alias.

Quae duabus prioribus Conclusionibus in hisce Thesibus tractavimus, potissimum occasionem habent à testimonio R. P. DE PAPER Anti-thesibus inserto, nunc tertiâ hâc Conclusionem examinabimus duo, solum Anti-thesium Authorem concernentia, quorum primum, quod in praefatione indicet Archiepiscopum si in collatione ulterius processum fuisset, fore iudicem: eo namque tendunt illa praefationis verba: *Nesci est appellare à supremo & infallibili iudice ad iudicem inferiorem.* Sed vanus est & ficticius ille timor: siquidem nihil istius in contracta conferentiae expressum fuit, nihil omnino à quoquam vel innuatum; sed contraria omnia: nam proximus contrahentium scopus fuit, ut partes si possibile foret, mutuo sibi satisfacerent; remotior, ut si illud non fuerit obtentum, missis actis ad S. Sedem, ultima illinc decisio expectetur.

Praeterea Illustrissimus Dominus Archiepiscopus in collatione habita 26. Aprilis aperte pronuntiavit, se officium iudicis nolle assumere.

Colligat hinc Lector, an Anti-thesium Author non voluerit sibi alio titulo invisam collationem magis exosam reddere etiam hoc, quod Illustrissimus Dominus Archiepiscopus in ea iudex futurus fingatur.

Notatu quoque dignum quod dictus Anti-thesium Author, nullam ex tot sententiis per nos exhibitis ac signatis, per suas Anti-theses oppugnandam censuerit: sed potius sibi querendas alias Doctorum HUYGENS & VAN VIANEN, quas oppugnet; etsi illae sententiae nec sint Illustrissimo Domino traditae, nec à nobis signatae.

Quod nullam ex signatis iudicaverit à se oppugnandam, acceptamus, quatenus istud servit ad aliquam illarum sententiarum commendationem.

Quod aliarum sententiarum accusationem attinet, illa responsum non meretur hactenus, donec nimirum Patres prius, quemadmodum inter nos conventum est, exhibuerint suas sententias. Patet ex Corollario quinto anterioris conclusionis.

Adverto insignem Patris istius astutiam, à sermone de collatione sibi parum honorifica me divertere studet: & quo longius, abeundum censet ad alias prorsus sententias à collatione remotiores, etsi per objectiones saepius antehac solutas. Et quamvis etiam decorum non sit cramben toties recoctam iterum iterumque reproducere, in his tamen circumstantiis, amat ista diverticula; sed non amo ego: ad collationem redeo idque per duas subsequentes conclusiones, prius tamen adhuc semel monendum censeo Anti-thesium Authorem: quod frustra impugnet sententias alias, nisi prius replicaverit adversus exhibitas ac signatas: quin addo, quod & hoc frustrâ, nisi pars altera ante omnia exhibeat Illustrissimo Domino suas sententias.

Ostenditur quantà æquitate nitatur contractus hic iterum expressus; modò tamen ablit omnis conditio, per quam ejus executio foret impedienda.

**C**ontractum in suas partes dividemus, ut ex singularum partium æquitate magis elucescat justitia totius contractus, prima hæc est: *Pars utraque scripto tradet Illustrissimo Domino Archiepiscopo illas suas sententias, quas à parte altera novis impugnari.* Incipienda namque erat collatio à materia super qua conferendum erat, adeoque à sententiarum controversarum traditione; hanc vero fieri conveniebat hoc pacto; ut quisque suas, non verò ut alter alterius sententias traderet; siquidem tunc evenisset facile, ut diutissimè hæsitatum fuisset in ipso collationis limine; dum pars utraque queri potuisset, & fortassis non immeritò, sententias non suas à parte altera, aut non eo quo tenentur moderamine fuisse expressas, vel certè circa expressionis modum, utpote rigidum nimis aut plus æquo laxiorem, quidpiam deesse; quæ, & alia plura inconvenientia omninò caventur, dum pars utraque suas sententias exprimit.

Secundum membrum contractus est: *sententia à parte unà tradita per Illustrissimum Dominum alteri parti communicabitur: eo fine, ut hæc contra replicet: postmodum pars utraque in defensionem suarum sententiarum duplicet; & postea, si opus, procedatur ad quæduplicam; & denique ad collationem verbalem.* Summa hic iterum apparet æquitas, dum utrique parti æquale jus conceditur sententias sibi displicentes accusandi non semel sed pluries, & similiter suas adversus accusantem defendendi. Datur præterea utrique parti similis potestas præstandi illa, tum scripto, tum verbo; quò fiat ut pars utraque detegere possit quidquid malè latere credit in sententia alterius partis, ut ab illis eam abstrahere valeat: item ut possit pro suis proferre omnia, quæ ad earum commendationem faciunt, quò illas parti alteri persuadere possit.

Tertia contractus pars exprimitur his verbis: *Quibus omnibus peractis, si ad concordiam nondum fuerit ventum, missis actis ad S. Sedem ultima illinc decisio expectanda erit.* Quod nos attinet Apostolica Sedis judicio Articulus nostros perlubenter submittimus, in quibus coram supradicto Illustrissimo ac Reverendissimo Domino Archiepiscopo convenire non potuerimus. Ipsissima verba sunt, quibus scriptum Articulus nostros complectens conclusimus. Æquitatem hujus tertiæ partis omnes Catholici agnoscimus.

Quartum membrum est: *Utrique parti licitum erit interrogare alteram de Articulis non expressis, num eos teneat.* Fieri etenim posset, ut fortassis pars una non exprimeret sententias suas omnes, quas altera existimaret exprimendas; cui incommode occurritur, dum hæc potestas conceditur, modò tamen (quod ante omnia est faciendum) pars interrogatura tradiderit, prout conventum est, suas sententias Illustrissimo Domino Archiepiscopo. Præstent hoc PP. Societatis, & tum petat Anti-thesium Author: an pro certo habeam, quod singuli reproborum, exempli gratia Antichristus, sit habiturus singularem Angelum custodem. Item an cum Aug. lib. 6. operis imperf. c. 15. sentiam, quod in statu innocentie non opus fuerit orare pro impetranda gratia: petat tum illa, petat & alia quæ voluerit, & promptè respondebo: neque ego solus, sed & alii qui contractui unà cum Articulis traditis mecum subscripserunt.

Quinta pars est: *Si pars interrogata Articulus petitos à se teneri responderit, ei incumbet eosdem cum alia scripto traditis tenere ac defendere: si verò responderit illos à se non teneri, nulla ei super istis Articulis moveri poterit quæstio aut molestia.* Talis est hæc pars, ut meritò dubites an magis ex æquitate, an verò magis ex pacis amore sit adjecta. Quid enim æquius, quam ut quilibet teneatur sustinere ac defendere sententias, quas à se teneri profitetur, sive profiteatur sponte sive interrogatione adactus? Et ex adverso, quid magis ad pacem, quam

quam ut neutri parti moveri pōtuerit aut inotentia super quorundam sententias quas à se jam teneri negat, esto tēuerit olim, aut etiam tepuerint majores ejus: etenim, si aliquibus quæstione aut difficultate movere velimus super iis, quæ ipsi aut eorum antecessores olim tēuerint, numquam erit contentionum finis.

87

Pater hinc quantā æquitate nitatur hic contractus quantumque valeat ad pacem & unitatem inter Theologos conciliandam, modò tamen absit omnis conditio, per quam ejus executio foret impedienda: etenim si Patres Societatis reservaverint sibi potestatem apponendi, quando, quomodo, & quales volunt conditiones post contractum initum, chimericus & prorsus fictitiuſ est ille contractus ex parte ipsorum: quandoquidem erit in illorum potestate per quæstiones præliminares, & sexcentis aliis, quibus lubet, modis sese subducere contractus executioni, etiam postquam cum (uti factum vidimus) pro parte impleverint Lovanienses. Ex quo facile est videre, quod quam æquus est contractus, tam iniqua foret ista potestas adjiciendi ejusmodi conditiones, quodque non minus ad contentiones & divisiones foret illa potestas, quam ad pacem & unitatem valet contractus.

## CONCLUSIO QUINTA.

Invitantur RR. Patres & alii à nobis dissidentes ut contractum illum adimpleant.

**C** Redimus, post ea quæ Conclusionē primā dicta sunt, nullum amplius relinqui dubium quin contractus initus sit *absolūtè, simpliciter, & sine ea*, quam Patres prætendunt, *condicione*. Quid ergo superest, nisi ut eos iterum iterumque rogemus, ut contractum illum, prout tenentur, impleant; adeoque ut, quod jam pridem factum oportebat, jam saltem præstent, exhibendo, quemadmodum nos fecimus, suas sententias Illustrissimo Domino Archiepiscopo.

Petitionis nostræ æquitatem manifestè ostendit Conclusio quarta: inde namque clarum est, talem esse istum contractum, ut etiam si initus non fuisset, iniri equidem deberet à quibusvis Theologis concordiam & pacem sincerè amantibus: nisi fortassis displicet, quod collatio coram Illustrissimo Domino Archiepiscopo instituenda sit. Sed quomodo displicere jam potest, quod aded placuit dum de collatione hac agere incepimus: placuit inquam tunc R. P. DE PAPPE: placuisse & sibi significat PP. Provinciales Minorum & Societatis in Procuratoriis nuper à se datus. Similem collationem se probasse significat R. P. IGNATIUS DIRTINS in epistola data Lovanii 31. Januarii 1677. quo tempore ipse erat Provincialis PP. Societatis JESU. Verba epistolæ sunt: *gaudeo Illustrissimam suam gratiam persistere in cogitatione convocandi utramque partem dissidentium: cum omni respectu admitto, quod ad nos attinet, oblatum congruessim.*

Et sanè quis ad hæc in Belgio magis idoneus, quam totius Belgii Primas, qui etsi iudicis partes in hac causa assumere non velit, valet tamen, si Ecclesiasticorum ullus in toto Belgio, ut ea, qua pollet, potestate & autoritate collationem promoveat: & tamen hæret aqua, nullum quidem obicem obiciente Illustrissimo Domino Archiepiscopo, nam ardentè desiderare pergit, prout jam pridem desideravit, ut collatio habeat progressum. Quod etiam Lovanienses obstaculum non ponant, nimis manifestum est, vel ex hac solâ Conclusionē, quā iteratò rogamus RR. Patres, ut collationem inchoatam perficere ultra non detrectent, cum illa sit opportunissimum, ne dicam unicum medium, ad desideratam toties pacem & unitatem inter Theologos obtinendam.

CON.

*Patres Societatis non possunt se excusare quo minus toti Theologorum orbi notas  
faciant suas sententias.*

**S**i contra conventionem initam Patres Societatis detrectent : vel jam suas sententias exhibere Illustrissimo Domino Archiepiscopo, enixè rogamus, ut eas saltem Theologorum orbi manifestare non vereantur. Nos utrumque fecimus, faciant illi posterius saltem : interest enim boni communis, ut sententias suas compendiosè & clarè publicent illi, qui toto orbe Catholico Theologiam profitentur & animarum directionem.

Iustissimum etiam est, ut qui tam libère culpant doctrinam nostram, suam quoque exhibeant, quò scire liceat, non solum quid hic illeve disputando propugnet ; verum etiam quid ipsi communiter & quid absolute teneant : quas inquam veluti suas sententias haberi velint ab universis Theologis, ac potissimum à Sede Apostolica, cui sententias ipsorum apertè & compendiosè expressas ac subjectas esse jure, ut videtur, postulamus ; sicuti nostras apertè & compendiosè expressimus, ac subjecimus prout iterum subjicimus.

Agitur utrimque non de re levioris sed maximi momenti : nimirum de bonorum operum principio, de morum regulà, de humanarum actionum scopo sive finè, & infinitis conclusionibus practicis inde consecutariis ; adeoque de doctrina, quam sive propter rei tractatæ dignitatem ac utilitatem ; sive propter doctrinæ ipsius extensionem ac necessitatem palam profitendam censemus.

## P E R T I N E N S.

**U**bi RR. PP. juxta primam partem contractus tradiderint suas sententias Illustrissimo Domino, liberrimum illis erit agere de illis qua voluerunt esse preliminaris ; nimirum contra sententias nostras, prout ipsis placuerit, replicando iuxta secundam partem contractus, vel nos interrogando juxta partem quartam. Ad quid ergò voluit illa præmitti ut preliminaris ; nisi ut nunquam tradant suas sententias ?

## A L I U D.

**L**ovanensium sententiam non subscripserunt ; nimirum illi ; qui à parte altera præ ceteris impetuntur ; præter hos culpentur alii, rogo ut nominentur, quò possit etiam illorum subscriptio à nobis peti ; prius tamen Patres Illustrissimo exhibeant suas sententias ; etsi à paucioribus quam sex signatas.

## I I I.

**S**ententias nostras Illustrissimo Domino Archiepiscopo exhibitas, parati sumus in hac disputatione rursus defendere, adeoque veluti hic iterum expressas habemus.

## F I N I S.

